

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

Opvscvla Spiritvalia - I. Horologium Asceticum. II. Principia Vitae
Christiana. III. Manuductio ad Coelum. IV. Via Compendii ad Deum. V. De
Sacrificio Missae. VI. De Discretione Spirituum ... Operum Eminentiss.
Cardinalis, Tom. I

Bona, Giovanni

Parisiis, 1677

§. 1. De præparatione ante Officium

urn:nbn:de:hbz:466:1-9969

CAPUT III.

DE OFFICIIS DIVINI RECITATIONE.

§. I. De Præparatione ante Officium.

NIHI magis necessarium Religioso, quām ut attente, devotē, & reverenter divinum Officium persolvat; de qua re hic breviter agendum est. Incipio autem à proxima præparatione, quæ nocturnis vigiliis tota præmitti debet, ante reliqua verò officia post redditas Deo gratias, quod te incolumem usque ad eam horam custodierit, ea tantum meditaberis, quæ à puncto quarto & deinceps descripta sunt.

i. Nocturno tempore auditō signo quo ad vigilias excitaris, quod à sancto Dorotheo Angelicum nuncipatur; considera illam esse vocem Dilecti pulsantis & dicentis : *Aperi mihi foror mea sponsa*: statimque surgens præpara illi habitaculum cordis tui, ne si forte moram feceris in surgendo, ille declinet à te, & animam tuam aridam & desolatam relinquat. Dic ergo illi cum S. Job; *Vocabis me Domine, & ego respondebo tibi: operi manuum tuarum porriges dexteram*: Et cum Psalmographo : *Paratum cor meum, Deus, paratum cor meum, cantabo, & psalmum dicam: exurge gloria mea, exurge psalterium, & cithara, exurgam diluculo*. Quod si timore magis quām amore afficeris; excipe signum illud tanquam tubam illam terribilem, quæ extrema iudicii die in auribus omnium horrendum illud personabit, *Surgite mortui, venite ad judicium*. Ideoque statim cum festinatione è cubili prosiliens, Deique timore concepto, dic : *Domine ne in furore tuo arguas me, neque in ira tua corripias me. Tu terribilis es, & quis resistet tibi? extuncira tua*. His, & aliis hujusmodi affectibus mentem diligentissimè occupabis, ut primiti cogitationum diem festum agant Deo.

ii. Excitatus à somno considera te in medio laqueorum

esse, quibus invisibiles hostes te ex omni parte irretire conantur: quapropter signo Crucis munitus orationis arma assume, & ignitis aspirationibus ad Dei laudes te excita, de qua re vide quæ supra notavi §. 1. cap. 1. Dum verò hæc agis, torporem & somnolentiam viriliter excute, elevatis manibus, flexis genibus, expansis brachiis, vel alia simili corporali exercitatione.

III. Quia nihil coinquatum intrat ad Deum, & bestia quæ tetigerit montem lapidabitur, examina post hæc conscientiam tuam, & si quid culpe in ea inveneris, plange coram Domino delictum tuum; & si nihil tibi conscius es, cave elationem, & dic cum Propheta: *Ab occultis meis munda me, & ab alienis parce servo tuo.* Tum actum contritionis elice, *Peccatori enim dixit Deus: Quare tu enarras justicias meas, & assumis testamentum meum per os tuum?*

IV. Viva fide apprehende te versari in oculis Dei, Domini infinitæ majestatis, benefactoris infinitæ liberalitatis, judicis infinitæ justitiae, patris infinitæ benignitatis, sponsi infinitæ amabilitatis, & propone nullas admittere mentis evagationes.

V. Actum simplicissimæ ac-purissimæ intentionis ferventer exerce: omnes cogitationes, verba, & opera tua offer Deo ad honorem, & gloriam ejus, & te perfectè resigna in omne beneplacitum ipsius. Officium verò recipere propone, ut Deum colas & laudes: ut eidem gratias agas pro innumeris beneficiis: ut ei placeas, & gratum exhibeas sacrificium: ut supremam ejus excellentiā & tuam subjectionem protesteras: ut iratum eum mitiges: ut pro peccatis tuis satisfacias: ut Ecclesiæ præceptum adimpleas: ut omnia tibi, & fratribus tuis, vivis & defunctis necessaria impetres: ut virtutum augmentum obtineas: ut tuæ voluntatis cum divina unionem impretrare quandoque valeas. Tum statue cum magna reverentia, attentione, & devotione totum officium persolvere in unione illius reverentiaz, attentionis, & devotionis.

E iii

nis, qua Jesus Christus Dominus noster orabat in terris. In honorem quoque beatæ Virginis, & omnium Sanctorum, eorum præsertim, quorum festivitas ea die celebraatur: & in memoriam eorum mysteriorum, propter quæ illud officium est institutum.

v i. Auditō ultimo signo puta astare tibi Angelos clamantes, *Ecce sponsus venit, exite obviam ei*: atque illico affectionum tuarum aptatis lampadibus curre in locum tabernaculi admirabilis usque in domum Dei. Dic cum sanctis Regibus, *Hoc signum magni Regis est, eamus, & inquiramus eum, & offeramus ei munera, sacrificium pingue, & holocaustum medullatum*. Considera quæ magnum opus sit Deum laudare, ante cujus conspectum virtutes cœlorum contremiscunt. Et quis es tu, pulvis & cinis, ut loquaris ad Dominum tuum? Humiliare itaque, & relictis in ingressu chori cunctis terrenis cogitationibus ingredere domum Dei, & dic: *Introibo in domum tuam, adorabo ad templum sanctum tuum, & confitebor nomini tuo*. Deinde adora sanctissimum Sacramentum, & Sanctos, quorum altaria & reliquiæ ibi sunt. Si transsis per cœmeterium, ora pro fidelibus defunctis, & dic: *Salvete Christi fideles animæ, quæ hic & ubique requiescunt; Iesus, qui pro vobis passus, est, vos consoletur, & requiem vobis eternam donare dignetur per intercessionem B. Marie, & omnium Sanctorum, quam adeptæ memores mei estote. Amen.*

v i. Cum perveneris in chorū, considera universalem Ecclesiam, unam eamdemque esse, & quæ in cœlis coronata triumphat, & quæ adhuc in terris militans suspirat ad patriam. In ea omnes creaturæ pro modulo suo Deum collaudant, Angeli, homines, bestiæ, & universa pecora, volucres cœli, pisces maris. *Lætare igitur, quod sic ab hominibus glorificetur Deus, & desidera omnium Justorum omniumque Beatorum, & Angelorum fervorem & charitatem habere. Divinum denique auxilium implora, ut ipse qui solus potest, tumultuantium cogita-*

tionum & affectionum comprimat turbam, insidiantes
coerceat dæmones, intellectum illuminet, inflammet af-
fектum, & omnia interiora atque exteriora tua sub cer-
tæ compositionis disciplina moderetur.

§. II. *Oratio ante Officium.*

Gratias tibi ago Domine sancte, Pater omnipotens, &
terne Deus, ob innumerabilia beneficia tua, præ-
sertim vero quia usque ad hanc horam me custodire
& à multis periculis misericorditer præservare dignatus
es. Insuper elegisti me in sortem tuam, ut ministrarem
in templo tuo, tibique laudes canerem die ac nocte.
Ego autem tanto benefactori ingratus in terra Sanctorum
iniqua gessi, & delicta mea creverunt usque ad cœ-
lum. Ideo percutio pectus meum, & procumbens humili-
liter ante thronum majestatis tuæ, infinitam clementiam
tuam deprecor, ut facias cum me indignissimo servo tuo
secundum multitudinem misericordiæ tuæ, quoniam cor-
ruptæ sunt cicatrices meæ à facie insipientiæ meæ. Ne
derelinquas me Domine Deus meus, ne discesseris à me.
Non enim mortui laudabunt te, neque narrabunt mis-
ericordiam tuam qui descendunt in infernum, sed vivens,
vivens confitebitur tibi, sicut & ego hodie, & psallam
nomiini tuo quandiu fuero. Obsecro igitur, ne me can-
tantem laudes tuas projicias à facie tua, sed propter tuam
bonitatem, & inexplicabilem perfectionem, per Jesu
Christi Salvatoris nostri Incarnationem, vitam, & pas-
sionem: per beatæ Mariæ semper Virginis, Spirituum
beatorum, omniumque Sanctorum merita & interces-
sionem sanctifica me, & emunda ab omni inquinamen-
to mentis & corporis: da sermonem rectum & bene-
sonantem in os meum, ut placeant verba mea in conspe-
ctu tuo: excita me ab omni torpore, & pigritia: expugna
impugnantes me, & comprise impetum inimicorum. Fac
meum signum in bonum, ut videant qui oderunt me, &
confundantur: sensus externos sub omni disciplina &

E iij